

詩

法

重刊詩法序

唐宋以來詩人所著詩法非一家
近世板行者范德機木天禁語楊
仲宏古今詩法三集心皆寶之不
啻拱璧余承之淮揚之明年偶得
黑本詩法二部不知何人所編如

德機仲宏之集亦皆載之中間畧
有隲括其後又有金鍼集詩學禁
齋沙中金等集皆人所罕見者余
反覆再四深喜臣爲詩之爲法莫
有備於此者矣奈何傳寫字樣訛
舛甚多用是過不自量粗加考訂

別駕式通且便觀覽然又自思與
其私諸已孰若公諸人適捐俸繡
梓且與學詩者共之但其間魯魚
亥豕尤望四方博雅君子爲改而
正之幸甚

成化庚子夏四月朔

賜進士第中順大夫知直隸揚州府
事前監察御史三山楊成書于郡
治忠齋堂

詩法大成序

詩法爲作者之標準近世著詩法者自唐宋而下名目不一編輯不同非涉於浩繁則病于簡畧學詩者如探海尋珠窮年莫竟予苦心歲月集諸家之大成廣爲十卷而字法句法章法醇疵美惡畢具斯編猶昨

盤然觀者無空澤之嘆魚豢之訛大有補
于陰壇也詩云伐柯其則不遠語云金在
範而形象成木從繩而曲直正是之謂與
若夫駕李杜而軼陶謝見一而知千端者
望于後之君子

詩法凡例

一古名家體式各因所著名色各分一卷共五卷

一有體式未備者更手集五卷廣爲十卷以補遺漏

一六關爲學詩之綱領與篇法句法當著意求之深究其理方已

一二十四品能達其旨則隨意作爲罔不盡善矣

一詩病不可不知一一列之以備避忌之考

一詩體二十二種所製名目二十種欲效何代之體欲目何等之名各依其式爲之

一粧句對聯各立一門欲作何等句法其工夫重在下字得所當細玩之求造蘊興爲佳

一造語有流水錯綜倒押句字等法認必要真下必務穩妥方可不宜率爾用之

一七言律詩各具一體凡五十八格當隨其目詳味之或爲正格或爲病格因類推之

一五言律詩凡各體五十格與七言並用

一古詩五七言各具一式或長古或短古其用韻變化不一學者宜潛心焉

一排律自五韻至五十韻各具一篇以爲標的
一樂府用句長短在圓轉流利今具數式以俟作者

一絕句體式不同五言七言各具一端初學者慎勿踰矩

一三言起至九言及三五七言四六八言回文

雜體等式無一不載有志者苟能心悟至於
神而明之斯可矣

凡例終

詩法大成目錄

第一卷

木天禁語

六關

總目

七言律詩篇法

一字血脉

二字貫穿

三字棟梁

數字連序

鈎鎖連環

順流直下

雙拋

單拋

內剝

外剝

前散

後散

五言長古篇法

分段

過脉

回照

讚歎

七言長古篇法

分段

過段

突兀

字貫

讚歎

再起

歸題

送尾

五言短古篇法

七言短古篇法

樂府篇法

絕句篇法

首句起

次句起

三句起

扇對

間對

順去

藏誅

中斷別意

四句不聯

借喻

句法

問答

當對

上三下三

上四下三

上應下呼

上呼下應

行雲流水

顛倒錯亂

言倒理順

議論語

在書句

兩句成一句

字法

一副當

氣象

家數

音節

凡例

明例

暗例

起句

法

結句法

第二卷

詩家一指

十科

意

趣

神

情

氣

理

力

境

物

事

四則

句

字

法

格

二十四品

雄渾

中淡

纖穠

沉著

高古

典雅

洗鍊

勁健

綺麗

自然

含蓄

豪放

精神

縝密

疎墊

清奇

委曲

實境

悲慨

形容

超詣

飄逸

曠達

流動

普說外篇

九四條

總論二十六條三造

關鍵

細義

體系

第三卷

滄浪詩法

詩體

九二十二體

體製名目

九二十品

用韻法

詩法要論

九十四條

名公雅論

揭應奉論

虞待制論

李仲元論

馬仲常論

范應奉論

楊編脩論

詩法家數

楊仲弘著

詩學正源

六義

作詩準繩

九目

律詩要法

四則

七言法

五言法

五言古論

七言古論

絕句論

製作體式

榮遇

諷諫

登臨

征行

贈別

詠物

讚美

賡和

哭挽

詩家蘊奧

九十條

第四卷

金鍼集

內外意

三體

四格

四鍊

五忌

八病

五理

三體格

四得

上中下

四不入格

四齊梁格

扇對格

有魔有癖

三般句

數格

六對

義例

二家

物象比

詩學禁齷

九十五格

頌中有諷

美中有刺

先問後答

感今懷古

一句造意

兩句立意

物外寄意

雅意詠物

一字貫篇

起聯應照

一意自然

雄偉不常

想像高唐

撫景寓歎

專叙已情

第五卷

沙中金

眼用實事

眼用響字

眼用拗字

拗句換字

子母字粧句

扇對格

句中對

巧對

交股對

借韻對

律詩不對

領聯不對

聯不對

不對處對

起句對

末句對

首尾對

押虛字

倒字押韻

以物為人

虛字粧句

用經史字

公取古詩句

用佛書語

流水句

錯綜句

疊三實字句

疊五實字

疊七實字

折腰句

歇後句

失粘句

引韻便失粘

第二聯失粘

第三聯失粘 第四聯失粘

第二三聯失粘 首尾失粘 第三四聯失粘

第二聯四聯失粘 頷聯失粘 頷頸聯失粘

頸聯失粘

頷末聯失粘 末聯失粘

失律格

五言絕失粘 七言絕失粘

五言律失粘

第六卷

律詩格 杜工部五十八律

接頸格 交股格

纖腰格

續腰格 首尾互答格

首尾相同格

單蹄格 雙蹄格

歸題格

歸題變格 撰題格

掇題格

歇續格 問答格

開合格

期必格 抑揚格

雙字格

四對格 八實格

對起格

對聯格

散起格

散結格

一意格

兩重格

節節生意格

生下結上格

興蕪比格

興蕪賦格

興賦兼比格

藏頭格

顯頭格

句聯分應格

中聯牙鎖格

聯珠格

三駢格

分字起應格

前三對格

先事後景格

體用渾成格

拗句格

拗字格

拗粘格

前多後少格

前開後合格

應字格

無題格

四實格

四虛格

前實後虛格

前虛後實格

上下各用韻

失律格

倒字押韻格

進退韻格

分段再起格

歸題顧首格

送尾比喻格

送尾反用格

七卷

五言律詩體

四實格

四虛格

前實後虛格

前虛後實格

前多後少格

前開後合格

前散後整格

前整後散格

一字貫篇格

二字貫穿格

一字血脉格

三字棟梁格

一句造意格

兩句立意格

字相連序格

句相照應格

接項格

充股格

織腰格

續腰格

歸題格

藏頭格

單拋格

雙拋格

單蹄格

雙蹄格

牙鎖格

一意格

鈎鎖連環格

順流直下格

內剥格

外剥格

興兼比格

興兼賦格

比興格

物外寄意格

雅意詠物格 雄偉不常格 想像高唐格

撫景寓歎格 專叙已情格 感今懷古格

先問後答格 應字格 明例

暗例 扇對格 五言律仄韻

律詩用古體 律詩用重韻 古詩倒押韻

雙殺即換韻 八句四韻變 六句三韻變

末句變韻格 古詩協韻格 古詩借韻格

古詩不押韻 葫蘆韻格 五言短古

轆轤韻格 進退韻近體 五言長古

古詩用古韻

第八卷

詩正體五言

首句平字起

首句仄字起

正格

偏格

變格

全用平字格

全用仄字格

領頸聯對格

三聯對格

後三聯對格

四聯皆對格

八句一意格

不對颶對格

隔句扇對格

蜂腰格

偷春格

反蜂腰格

反偷春格

五平五仄格

五言十句

五言念四句

五言四十句

排律五韻

排律十韻

排律二十韻

排律五十韻

詩正體七言

正格

偏格

變格

首句平起

首句仄起

全篇仄韻格

中二聯對格

前三聯對格

後三聯對格

八句四對格

一意順下格

蜂腰格

偷春格

七言古六句

古詩十八句

古六十八句

古句各用韻

九句三換韻

古平頭換句

古八句四韻

二句一換韻

八句兩換韻

十句兩換韻

古詩重用韻

古平聲換韻

古仄聲換韻

七言短古法

樂府篇法

排律六韻

排律七韻

排律八韻

第九卷

五言絕句體

正格

偏格

失粘格

拗句格

各用平仄格

平仄不變格

前二句不變

後二句不變

七言絕正格

偏格

失粘格

拗句格

各爲平仄格

平仄不變格

前二句不變

後二句不變

絕句平韻

仄字起平韻

平字起平韻

全用仄韻

平字起仄韻

仄字起仄韻

七言絕平韻

七言絕仄韻

四句用兩韻

後三句一韻

前仄後平格

實格

虛接格

句實意虛格

一意格

四異格

興兼比格

興兼賦格

折腰格

續腰格

聯珠格

含意格

分應格

接應格

字應格

雙尾格

單尾格

下句釋上句

隱語格

翻案格

點化格

奪胎格

換骨格

前散後對格

前對後散格

四句兩對格

四句不對格

隔句扇對格

四句四意格

言前散後對

言前對後散

言七四句兩對

言七四句不對

言七隔句扇對

言七四句四意

第十卷

雜體詩式

三言式

四言式

五言六句式

前對後散格

六句三對格

中一聯對格

六句全不對

前散後對格

六言四句對

言六前對後散

言六前散後對

四句一意格

中二聯對格

前六句對格

後六句對格

八句四對格

六言排律式

七言六句式

七言五句式

五句仄韻格

九言四句式

九言古詩式

一字至七字

一字至十字

五言七言式

三五七言式

四六八言式

長短句古詩

四言迴文

五言迴文

七言迴文

七言律迴文

反覆體

離合體

借字體

聯句體

集句體

首尾吟

古樂府

謹體

謳體

騷體

辭體

操體

歌體

五雜組

三婦艷

四愁詩

五噫歌

藁砧

上留田

禽言

目錄終

詩法卷之一

木天禁語

內篇

范德機著

武林思山謝天瑞甫校

詩之說尚矣古今論著類多言病而不處方是以
沈痼少有瘳日雅道無復彰時茲集開元大曆以
來諸公平昔在翰苑所論秘旨述爲一編以俟後
之君子賢士大夫之後好學俊彥子弟有志者之
告所謂天地間之寶物當爲天地間惜之切慮又
而泯沒特筆之於楮以與天地間樂育者共之授
非其人適足招議故又當慎之得是說者猶寐而

寤猶醉而醒外則用之以觀古人之作萬不漏一
內則用之以運自己之機聞一悟十若夫動天地
感鬼神神而明之則又存乎其人也 是編猶古今
本草所載無非有益壽命之品服食者莫自生狐
疑墮落外道噫草木之向陽生而性煖者解寒背
陰生而性冷者解熱此通確之論至當之理或專
執已見而不知信則曰神農氏誤後世人多矣豈
不爲大誣也哉

六闕

篇法 句法 字法 氣象 家數 音節

右一篇詩成必須精研合此六關方爲佳不然則過不無矣

篇法

有以字論者

有以意論者

有以故事論者

有以血脉論者

七言律詩篇法

唐人李淑有詩苑一書今世罕傳所述篇法止有六格不能盡律詩之變態今廣爲十三
樂枯無遺猶六十四卦之重不出於八卦八

卦之生不離奇偶可謂神矣目曰屠龍絕藝
此法一泄天造顯然

一字血脉 二字貫穿 三字棟梁

數字連序 中斷 鈎鎖連環

順流直下 雙拋 單拋

內剝 外剝 前散

後散

一字血脉

鴛鴦

翠鬣紅衣舞夕暉
水禽情似此禽稀
纔分烟島猶回首
只度寒塘亦共飛
耿霧盡迷朱殿瓦
逐梭齊上玉人機
採蓮無限蘭橈女
笑指中流羨爾歸

二字貫穿

三字棟梁在內

江村

清江一曲抱村流
長夏江村事事幽
自去自來堂上燕
相親相近水中鷗
老妻畫紙爲棋局
稚子敲針作釣鉤
多病所須惟藥物
微軀

此外更何求

三字棟梁

南遷

瘴江南下接雲煙望盡黃茅是海邊
山腹雨晴添象跡潭心日暖長蛟涎
射工巧伺遊人影颺母偏驚賈客船
從此憂來非一事可容華髮度流年

數字連序

中斷在內

中丞弟得除江陵併起居衛尚書夫人

中丞問俗盡熊頻愛第傳書彩鷁新遷轉九
州防禦使起居八座太夫人楚宮膺送荆門
水白帝雲偷碧海春爲報惠連詩莫惜嗟予
班髮總如銀

鈎鎖連環

草

百花苑路易萋陰五谷塋疇苦見侵農父芟
時嫌若刺宮人闢處惜如金別離空惹王孫
恨庶耨深勞稷畯心紆野荒蕪好歸去朱門

閑僻少相尋

順流直下

張鍊師

東岳真人張鍊師高情雅淡世間稀堪爲烈
女書青簡久事元君住翠微金縷機中拋錦
字玉清壇上著霓衣雲衢不用吹簫伴只擬
乘鸞獨自歸

雙拋

汴門用兵後

隋堤風物已淒涼
堤下仍多古戰場
金鏃有苔人拾得
鐵衣無土鳥嚙將
邊聲暗促河聲急
野色遙連日色黃
獨上高城更愁絕
戍聲驚起鴈行行

單拋

秋興

昆明池水漢時功
武帝旌旗在眼中
織女機絲虛夜月
石鯨鱗甲動秋風
波漂菰米沉雲黑
露冷蓮房墜粉紅
關塞極天惟鳥道
江湖

滿地一漁翁

內判

玉臺觀

中天積翠玉臺遙上帝高居絳節朝遂有馮
夷來擊鼓始知羸女善吹簫江光隱見鼉鼉
窟石勢參差烏鵲橋更有紅顏生羽翼便應
黃髮老漁樵

外判

錦瑟

錦瑟無端五十絃一絃一柱思華年莊生曉
夢迷蝴蝶望帝春心托杜鵑滄海月明珠有
淚藍田日煖玉生煙此情可待成追憶只是
當時已惘然

前散

送戴鍊師歸隱

桃花源裏玉堂仙秀攬千巖萬壑煙有客重
尋鑑湖酒無人爲上剡溪船龍行靈雨空壇
淨鰲負神宮複道懸回首都門眇如許東風

長記柳飛綿

後散

二字貫穿在內

感興寄友

十年京國捻忘憂
詩酒淋漓共賞遊
漢月夜吟鵲鵲觀
苑雲春釀鸛鸛裘
書來慍我臨池上
秋去思君到水頭
爲憶故人張處士
于今江海尚淹留

五言長古篇法

分段

過脉

回照

讚歎

先分爲幾段幾節每節句數多少要畧均齊
首段是序子序了一篇之意皆含在中結段
要照起段且選詩分段節數甚均三句則皆
三句四句六句八句則皆不參差杜却不甚
如此太拘然亦不太長不太短也次要過句
過句名爲血脉引過次段過處用兩句一結
上一生下爲寢難非老手未易了也回照謂
十步一回頭要照題目五步一消息要閑語
讚歎方不甚迫切長篇怕亂雜一意爲一段

以上四去各七正詩舉一隅之道乙

七言長古篇法

分段 過段 突兀 字貫 讚歎

再起 歸題 送尾

分段如五言過段亦如之稍有異者突兀萬
仞則不用過句陡頓便說他事杜如此岑參
專高此法爲一家數字貫前後重三疊四用
兩三字貫串極精神好誦岑參所長讚歎如
五言再起且如一篇三段說了前事再提起

從頭說去謂反覆有情如魏將軍歌松子障
歌是也歸題乃本末一二句繳上起句又謂
之顧首如蜀道難古別離洗兵馬行是也送
尾則生一段餘意結末或反用或比喻用如
墜馬歌曰君不見嵇康養生被殺戮又曰如
何不飲令人哀長篇有此便不迫促甚有從
容意思

五言短古篇法

辭簡意味長言語不可明白說盡含糊則有

餘味如步出城東門悵望江南路前日風雪中故人從此去忽見明月光疑是地上霜起頭望明月低頭思故鄉開簾見新月便即下堦拜細語人不聞北風吹裙帶

編脩楊仲弘曰五言短古衆賢皆不知來處乃只是選詩結尾四句所以含蓄無限意自然悠長此論惟趙松雪翁承旨深得之次則豫章三日新婦曉得清江知之却不多用

七言短古篇法

辭明意盡與五言相反如休洗紅洗紅紅色
變不惜故縫衣記得初揉茜人命百年能幾
何後來新婦今爲婆石人前石橋邊六角黃
牛二頃田帶經躬耕三十年

樂府篇法

張藉一王建爲近體次之長吉虛妄不必效
爲岑參有氣惜語硬又次之張王寂古上格
如焦仲卿木蘭詞羽林郎霍家妹三婦詞大
垂手小垂手等篇皆爲絕唱李太白樂府氣

語皆自此中來不可不知也

要訣在於反本題結如山農詞結却用西江賈客珠百斛船中養犬多食肉是也又有舍蓄不發結者又有截斷頓然結者如君不見蜀葵花是也

老翁家貧在山住耕種山田三四畝苗踈稅多不得食輸入官倉化爲土歲暮鋤犁傍空室呼兒登山收橡栗西江賈客珠百斛船中養犬多食肉

絕句篇法

首句起 畫松

畫松一似真松樹待我尋思記得無曾在
天台上見石橋南畔第三株

次句起 金陵即事

第三句起 前二句皆閑至第三句方詠本題
扇對 存沒口號

席謙不見近彈碁畢曜仍傳舊小詩玉局
他年無限笑白楊今日幾人悲鄭公綵繪

隨長夜曹霸丹青已白頭天下何曾有山
水人間不解重驂騑

間對 首句閑次句說本題第三句閑結
再說本題應第二句即磨笄山詩也

順去 松下問童子 問余何事棲碧山

湘中老人 行到水窮處 首座茶

藏詠 逢李龜年

岐王宅裏尋常見崔九堂前幾度聞正是
江湖好風景落花時節又逢君

中斷別意 前二句說本題後二句說題外
意願領龍驤十萬兵

四句不聯

兩箇黃鸝鳴翠柳 遲日江山麗

借喻

借本題說他事如詠婦人者必借花爲喻
詠花者必借婦人爲比

右十法絕句之篇法也此最爲緊推此以
往思過半矣

句法

問答

誰其獲者婦與姑
何日東歸花發時

當對

白狐跳梁黃狐立
婦女行泣夫走藏

上三下三

鳳凰樂奏鈞天曲
烏鵲橋通織女河

上四下三

金馬朝回門似水
碧鷄天遠路如年

上應下呼

素練抹林雲氣薄
明珠穿草露華新

上呼下應

林花著雨胭脂濕
水荇牽風翠帶長

行雲流水

春日鶯啼脩竹裏
仙家犬吠白雲中

顛倒錯亂

香稻啄餘鸚鵡粒
碧梧棲老鳳凰枝

言倒理順

海岸夜深常見日 寒巖四月始知春

議論語 宋人用之

直書句

鄭縣亭子澗之濱 一去三年竟不歸

兩句成一句

屢將心上事

相與夢中論

蕭蕭千里馬

箇箇五花文

字法

事文類聚事不可用多宋事也又不可用俚語

偏方之言摘用史記西漢書東漢書新舊唐書
晉書字樣集成聯對

一副當

白虎觀

金僕姑

高鼻胡人

碧雞坊

玉具櫛

平頭奴子

眉語

從長

目成

護短

右用字琢對之法先須作三字對或四字
對起然後粧排成全句不可逐句思量却

似對偶不成作手也或二字對起亦可踞
頭差處在此捕風捉影如何成詩至謹至
謹

氣象

翰苑 輦轂 山林 出世 偈頌 神僊

儒先

石屏之類
宋賢也

江湖

閭閻

末學

末學者道
聽塗說得

一二字面便雜揉用去不成
一家又在江湖閭閻之下

已上氣象各隨人之資稟高下而發學者以變
化氣質須仗師友所習所讀以開導佐助然後

能脫去俗近以游高明謹之慎之又詩之氣象
猶字畫然長短肥瘦清濁雅俗皆在人性中流
出得八法便成妙染而洗吾舊態也此趙松雪
翁與中峰和尚侍者道良之語也謾錄於此耳
儲涑曰性情褊隘者其詞躁寬裕者其詞平端
靖者其詞雅疏曠者其詞逸雄偉者其詞壯醞
藉者其詞婉涵養性情發於心形於言此詩之
本原也

三百篇

思無邪

意見

離騷

激烈憤怨

哀傷

選詩

婉曲委順

柔弱

太白

雄豪空曠

狂誕

韓杜

沉雄厚壯

學者不察失於

麤硬

陶韋

含蓄優游

迂濶

孟郊

奇險斬截

怪短

王維

典麗靚深

容冶

李商隱

微密閑艷

綢碎

已上畧舉八九家數一隅三反之道也

音節

馬御史云東夷西戎南蠻北狄四方偏氣之語
不相通曉互相憎惡唯中原漢音四方可以通
行四方之人皆喜於習說蓋中原天地之中得
氣之正聲音散佈各能相入是以詩中宜用中
原之韻則便官樣不凡押韻不可用啞韻如五
支二十四鹽啞韻也

凡例

詩法

八卷之一

五

二百八

只要明暗二列者作七音然杜甫鄭谷

明二首

黑鷹

杜甫

黑鷹不省人間有
渡海疑從北極來
正翮搏風超紫塞
玄冬幾夜宿陽臺
虞羅自覺虛施巧
春鴈同歸必見猜
萬里寒空只一日
金眸玉爪不凡材

雙鷺

鄭谷

三體作
雍陶

雙鷺應憐水滿池
風飄不動頂絲垂
立當青

草人先見行傍白蓮魚未知一足獨拳寒雨
裏數聲相叫早秋時林塘得尔須增價况與
詩家物色宜

暗二首

白鷹

杜甫

雲飛玉立盡清秋不惜竒毛恣遠遊在野只
教心力破千人何事網羅求一生自獵知無
敵百中爭能耻下韉鵬礙九天須却避免經
三窟莫深憂

鷓鴣

鄭谷

暖戲烟蕪錦翼齊
品流應得近山雞
雨昏青草湖邊過
花落黃陵廟裏啼
遊子乍聞征袖濕
佳人纔唱翠眉低
相呼相喚湘江曲
苦竹叢深春日西

起句

賞叙 狀景 問會 反題故事 順題故事

吊古 傷今 頌美 時序 客愁

感歎

結句

勸戒 祝頌 自感 自愛 問信 寄憶

寄書 寄詩 相思 兵戈 我亦 懷古

故事 欣歡 景燕 激烈 何年遊 何由往

那可再 何日歸

已上凡例明暗并起句結句四法律詩絕句
長短篇通用無出此者唯童謠一家不在此
例不可不知也作者深造博學始能著心謹
之慎之不可妄授

詩法卷之二

詩家一指外篇

武林思山謝天瑞甫校

乾坤之清氣性情之流至也有氣則有物有事斯
有理必先養其浩然存其真宰彌綸六合圓攝太
虛觸處成真而道生於詩矣詩有禪宗具摩盪眼
一視而萬境歸元一舉而群魔蕩跡超言象之表
得造化之先夫如是始有觀詩分觀詩要知身命
落處與夫神情變化意境周流亘天地以無窮妙
古今而獨往者則未有不得其所以然由是可以

明十科達四則該二十四品觀之不已而至於道
失求於古者必法于今求于今者必失於古蓋古
之時古之人而其詩如之故學者欲疏鑿情壓陶
汰氣質遣其迷妄而反其清真未有不如是而得
其所以爲詩者學下手處先須明徹古人意格聲
律其於神境事物邂逅鬱折得其全理於胷中隨
寓唱出自然超絕若夫刻意創造終虧天成苟且
經營必墮凡陋妙在著述之多而涵養之深耳然
當求正於宗匠名家之道庶幾可以橫絕旁流者

也

十科

意

作詩先命意如構宮室必法度形制已備於胷
中始施斤鉄此以實論取譬則風之於空春之
於世雖槩有其迹而無能得之於物者是以造
化超詣變化易成立意卑凡情真愈遠

趣

意之所不盡而有餘者之謂趣是猶聽鍾而得

其希微乘月而思遊汗漫宵然真用將與造化者周流此其趣也

神

其所以變化詩道濯煉性情會秀儲真超源達本皆其神也

情

是由真心靜想中生不必盡論不必不諭猶月於水觸處自然神於詩爲色爲染情染在心色染在境一時心境會至而情出焉

氣

其於條達爲清明滯著爲昏濁情貴乎流通虛
往無礙盛大等乎空量熹微藹如春和然非果
有所自而生之者愈不可知

理

有所興起而言也故凡一事之感一物之悟皆
興起也而其悲懽通塞捻屬自然非有造設惟
不盡所以盡之興猶王家之疆理也

力

今之發足將有所即靡不由是而達然猶有所
未至非日積之功未深則足力之病進於詩且
然非尋思之未深則材力之病進要在馴熟如
與握手俱往

境

耳聞目擊神寓意會凡接於形似聲響皆爲境
也然達其幽深玄虛發而爲佳言遇其淺深陳
腐積而爲俗意復如心之於境境之於心心之
於境如鏡之取象境之於心如燈之取影亦各

因其虛明淨妙而實悟自然故於情想經營如
在圖畫不著一字實乎神生

物

凡引古證今當如已造無爲彼奪緣妄失真其
如窅然色之膠青空然水之鹽味形趣泯合神
造自如

事

詩指其一而不可著復不可脫著則落在陳腐
科曰脫則失其所以然必究其形體之微而超

四則

句

一詩之中妙在一句爲詩之根本根本不凡則花葉自然殊異復如威將示權奇兵翕合君子在位善人皆來

字

一字之妙所以含趣之微一詩之根所以生一字之妙故夫圓活善用如轉樞機溫清自然如

瞻佩玉

法

病在腐在浮在常在闇弱在生強在無謂在槍
棒在嘴爪在不經猶陶家營器本陶一土而名
等差非一然有古形今制之別精朴淺深之殊
貴各具體用形制之似尔詩則詩矣而名制非
一漢晉高古盛唐風流西崐穠冶晚唐華藻宋
氏乖鏤洎西江諸家造立不等氣象差殊亦各
求其似者耳

所以條達神氣吹噓興趣非音非響能誦而得之猶清風徘徊於幽林遇之可愛微徑縈紆於遙翠求之愈深

二十四品

中篇秘本謂之發思篇以發思者動蕩性情使之若此類也偏者得一偏能者兼取之始爲全美古今李杜二人而已

雄渾杜少陵

大用外腴真體內充返虛入渾積健爲雄具備
萬物橫絕太空荒荒油雲寥寥長風超以象外
得其環中持之匪強來之無窮

中淡

孟浩然

素處以默妙機其微飲之太和獨鶴與飛猶之
惠風荏苒在衣閤音脩篁美曰載歸遇之非深
即之愈稀脫有形似握手已違

纖穠

王維

采采流水蓬蓬遠春窈窕深谷時見美人碧桃

消樹風日水濱柳陰踞曲流鶯比隣乘之愈往
識之愈真如將不盡與古爲新

沉著

杜少陵

綠杉野屋落日氣清脫巾獨步時聞鳥聲鴻鴈
不來之子遠行所思不遠若爲平生海風碧雲
夜渚月明如有佳語大河前橫

高古

杜少陵

畸人乘真手把芙蓉汎彼浩劫窅然空蹤月出
東斗好風相從太華夜碧人聞清鍾虛佇神素

脫然畦封黃唐在獨落落玄宗

典雅 揭曼碩

玉壺買春賞雨茅屋坐中佳士左右脩竹白雲
初晴幽鳥相逐眠琴綠陰上有飛瀑落花無言
人淡如菊書之歲華其曰可讀

洗鍊 范德機

猶鑛出金如鉛出銀超心鍊冶絕愛緇磷空潭
瀉春古鏡照神體素儲潔乘月返真載瞻星辰
載歌幽人流水今日明月前身

言
勁健

杜少陵

行神如空行氣如虹
巫峽千尋走雲連風
飲真茹強蓄素守中
喻彼行健是謂存雄
天地與立神化攸同
期之以實御之以終

綺麗

趙松雪

神存富貴始輕黃金
濃盡必枯淺者屢深
露餘山青紅杏在林
月明華屋盡橋碧陰
金樽酒滿伴客彈琴
取之自足良殫美襟

自然

孟浩然

大風捲水林木爲摧意苦欲死招憇不來百歲
如流富貴冷灰大道日喪若爲雄材壯士拂劒
浩然彌袞蕭蕭落葉漏雨荒苔

形容

絕佇靈素少迴清真如覓水影如寫陽春風雲
變態花草精神海之波瀾山之嶙峋俱似大道
妙契同塵離形得似庶幾斯人

超詣

匪神之靈匪幾之微如將白雲清風與歸遠引

莫至臨之已非少有道氣終與俗違亂山喬木
碧苔芳暉誦之思之其聲愈稀

飄逸

落落欲往矯矯不群緱山之鶴華頂之雲高人
惠中令色綢繆御風蓬萊汎彼無垠如不可執
如將有聞識者已領期之愈分

曠達選詩

生者百歲相去幾何歡樂苦短憂愁實多何如
尊酒日仕烟蘿花覆茅簷疎雨相過倒酒旣盡

杖藜行歌孰不有古南山峩峩

流動

若納水輶如轉九珠夫豈可道假體遺愚荒荒
坤軸悠悠天樞載要其端載同其符超超神明
反之冥無來往千載是之謂乎

普說外篇 四段

世皆知詩之爲而莫知其所以爲知所以爲者
情性而莫知其所以爲情性夫如是而詩道遠
矣遠之不失乎心心之於色爲情天地日月星

辰江山烟雲人物草木響會動悟履遇形接皆情也拾而得之爲自然撫而出之爲機造自然者厚而安機造者往而深厚而安者獨鶴之心大龜之息曠古之世君子之仁往而深者清風浥浥而同流素音于于而載往乘碧景而暗明月撫青春之如行舟由之而得乎性性之於心爲空空與性等空非離性而有亦不離空而性必非空非性而性固存矣夫今有人行絳陰風日間飛泉之清鳴禽之羨松竹之韻樵牧之音

互遇遙接知別區宇省攝備至暢然無遺是有
聞性者焉自是而盡世之所謂音者無不得之
於聞性無一物不有欲求其所以聞之而性者
猶即旅舍而覓過客往之久矣故取之非有其
方得之非覩其竅翛然萬物之外雲翠之深茂
林青山掃石酌泉蕩滌神宇獨還冲真猶春花
初胎假之時雨夫復不有一日性悟之分耶集
之一指所以返學者迷途三造所以發學者之
關鑰十科所以別武庫之名件四則條達規鍵

指真踐履二十四品所以攝大道如載圖經於詩未必盡似亦不必有似而或者為詩之尤抑真人而後知詩之真知詩之真而後知一指之非真而非真之真備是一指矣

晦庵論詩所謂讀詩須沉潛諷詠義理咀嚼滋味方有所益須是先將那詩來吟詠四五十遍了方可看註看了註又吟詠三四十遍便意思自然融液浹洽方有是處詩全在諷詠之功看詩不必著意裏面而分解但憑涵泳自好古

人意思溫厚寬和道得言語自恁地好

詩看義理外更看他文章詩者古之樂章也亦如今歌曲雖然音節却不同也

三造

三段中分開鍵

細義

體系

詩貴入門之正行有未至可加心力踞頭一差愈驚愈遠故曰學其上僅得其中學其中斯爲下矣凡三百篇以降經史諸書韻語楚辭古詩樂府李陵蘇武漢魏晉人語皆須熟讀次取李杜盛唐名家菁華枕藉鉤貫橫流胷中久之自

然悟入雖未至亦不失焉楚漢魏晉盛唐諸作
斯禪宗寂上乘大曆以還已落二義晚唐則聲
聞辟支禪在妙悟詩道亦然悟有三有透徹有
分解有一知半解後取諸名家熟參猶由是而
無見焉是爲外道異端蔽其真識終非藥石可
能救之病也

詩情性也羚羊掛角無迹可求所以妙處瑩徹
玲瓏不可湊泊水中之月鏡中之象萬折東流
千燈一空言有盡而意無窮由思惟而非思惟

者也近代之作奇特解會往往以才學文字議論爲之夫豈不工而於古人情性愈覺遠矣嗚呼詩之道湮亦久矣

諧會五音清便宛轉宮商迭奏金石相宣謂之聲律摹寫景物巧奪天真探索微妙意與神會謂之物象苟無意格以至之才雖華藻辭雖雄贍皆無足取要在意圓格高纖穠具備句老而字不俗理深而辭不難才綏而氣不怒言簡而事不晦如此之作始入風騷韻度焉

太篇布置首尾停均腰腹肥滿少乏工緻病在
不精思不精思而作多奚以爲雕刻傷氣敷演
露骨若鄙而不精巧過在雕刻拙而無委曲過
在不敷演人所明言者寡之難言者易之自然
不俗難處一語而盡易處莫便放過僻事實用
熟事虛用理要簡易事要圓活景要微妙多看
自知多作自好小句精深短章醞藉大篇開闔
乃爲妙也

學有餘約以用之意有餘約以盡之意中有景

景中有意意思有窒礙涵養未至也當益以學問
歲寒知松柏難處見作手波瀾起伏如在江湖
一波未平一波又作亦猶出入變化不可紀極
而法度不亂文以文而工不以文而妙舍文無
妙聖處自悟意出格格出意先得意如印印泥
止乎義理涵養意格欲高句法欲響始於意格
成於句字句意欲深遠句調欲清古和暢每家
自有風味如樂各有聲韻乃是歸宿處倣者似
而失之

對好易得結好不可得起好尤不可得發端忌
作舉止收拾貴有出場不必太著題不必多使
事韻不必有出處字不必拘來歷字貴響語貴
圓意要透徹不可隔靴搔癢語要脫洒不可拖
泥帶水語直意淺脉露味短音韻散緩迫皆
爲詩之病初學寧失之野不可失之靡麗野不
害氣靡麗不可復整

學者須熟看古人求其用心處久久自然有箇
道理悟入必自工夫中來先叅李杜如佛正宗

次第方及諸法

凡作要悟入處志爲主氣爲輔詞爲衛挹之而源不窮咀之而味愈長

古作以風調高古爲主雖意遠語疎皆爲佳製欲造平淡當自崢嶸組紉中來涵泳力到自有得處如造化生物不主名態

好詩圓美轉如彈丸然俗意綺靡能者輕之少好風花老大厭之惟理會不害正氣

學者須先識古今體製雅俗向背更洗盡腸胃

間宿生葷血脂膏然後可以去穢濁而入芳潤
由是而真得矣

語貴含蓄言有盡而意無窮者天下之至言也
體物不欲寒乞須叅活句不叅死句

學有二節其初不識好惡肆筆而成及始識羞
愧成之極難及其透徹則七縱八橫信手拈來
頭頭是道矣

看詩當具金剛眼睛庶不眩於旁門小法辨家
數如辨蒼白方可與言詩學有力量如弓人之

闢力未挽不知其難也力不及則分寸不可強
又如操舟入蜀屢窮險阻則日至矣中流棄去
篙楫不施維纜不持其退甚速且將傾覆

學無他術惟勤誦叅請勉於有爲學者先須除
淺異鄙陋之象句叛而不叛於理言簡而意不
遺觀者要識安身立命處始得要在氣象不可
尋枝摘葉貴在詞理意興有尚詞而病理尚理
而病意唐以詩取士故多專門每以意興爲主
而理在其中漢魏之詩詞理意興無迹可尋

大曆以來高者尚失盛唐下者已入晚唐晚唐
下者以有宋氣也唐與宋未論工拙直是氣象
不同蓋不知病何由能作不觀家法何由知病
諸名家亦各有一病大醇小疵差可耳學竟無
方作無畧子結成陰花自落聲律爲寂物象爲
骨意格爲髓須先立大意長篇曲折須三致意
方可成章圓熟多失之平易老硬多失之乾枯
含蓄天成爲上破碎雕鏤爲下百鍊成字千鏤
成句用事要如禪家語水中著鹽飲水方知鹽

味下字如奕棊三百六十路都教要好着顧臨時如何句中有眼如華嚴經舉果善知因譬如蓮花方其吐花而葩已具蕊中

詠物不待分明說盡只彷彿形容便見妙處寧拙毋巧寧朴毋華寧粗毋弱寧僻毋俗用意切忌太過鍊句脉則意不足語工意劣格力必弱立片言以居要乃一篇之警策茲要論也
有一篇命意有一句命意

爲詩要有野意蓋非文不腴非質不枯然始腴

而終枯無中邊之殊意味自足寫難狀之景如在目前含不盡之意見於言外

學者必先命意意正則思生然後擇韻而用如驅奴隸故首尾有序

詩以意義爲主文詞次之意深義高雖文詞平
勿自然高作詩者不可以言語求而得必將觀
其意焉有意新語工得前人所未道者斯善矣
蜀辭比事爲通䟽情性無貴用事若借事以發
已意則變態錯出用事雖多亦何妨

夫詩世多目爲末技然不用心不讀書不歷鍊
世故則不足以名家文字頻改工夫自出所以
頑鉄久鍊成鋼鉛錫冶而銀出

詩者情性也非強諫諍非逞志憾非詬道怒隣
罵座之具也蓋其溫柔敦厚抱道而居與時乖
違遇物悲喜情有不堪因發於呻吟調笑之聲
比律呂而歌列干羽而舞是詩之正也其發於
謗訕侵凌引領以承戈披襟而受矢以快一時
之忿者非詩之正也失詩之指乃詩之禍也風

言法
卷之十一
雅貴溫厚之氣用意精深下語平易嬉笑之怒
甚於裂眦長歌之氣過於慟哭一字鄙貶甚於
鞭撻思者卒然遇之而莫遇物有貶則失焉
古作所以不可及處其剛柔緩急哀樂喜怒之
間風教則存乎其中矣

詩言當正其心心正則道德仁義之語高雅溫
厚之氣自具於言辭之表卒與景遇備以成章
不假繩削故非常情所能到思苦言艱偽詐氣
象終不逃識者之藻鑑云